

四庫全書

子部

欽定四庫全書

子部
喻林卷一百五

詳校官中書臣朱文翰

主事臣祁韻士覆勘

總校官原任中允臣王燕緒

校對官中書臣朱炘

謄錄監生臣李學瞻

欽定四庫全書

喻林卷一百二

明 徐元太 撰

政治門七

尚威

險峭之極不可升也嚴法峻整難可犯也

王弼註
易習坎

韓子曰慈母有敗子而嚴家無格虜者何也則能罰之

加焉必也

史記李
斯傳

布帛尋常庸人不釋鑠金百鎰盜跖不搏者非庸人之

心重尋常之利深而盜跖之欲淺也又不以盜跖之行
為輕百鎰之重也搏必隨手刑則盜跖不搏百鎰而罰
不必行也則庸人不釋尋常是故城高五丈而樓季不
輕犯也泰山之高百仞而跛牂牧其上夫樓季也而難
五丈之限豈跛牂也而易百仞之高哉峭塹之勢異也

史記李
斯傳

屠牛坦一朝解十二牛而芒刃不頓者所排擊剝割皆
衆理解也至於髡髀之所非斤則斧夫仁義恩厚人主

之芒刃也權執法制人主之斤斧也今諸侯王皆衆髀

髀也釋斤斧之用而欲嬰以芒刃臣以為不缺則折

前漢

書賈

誼傳

馭駘馬者利其銜策梁國大都吏民凋敝且當以柱後

惠文彈治之耳

前漢書
張敞傳

又不應弦垂翅人誰復憚

晉書傅
玄傳

惠者民之仇讎法者民之父母

周書樂
運傳

水平而不流無源則邀竭雨平而雲不甚無委雲雲則

邀已政平而無威則不行

管子
侈靡

以良民治必亂至削以姦民治必治至強

管子
說民

威以一取十以聲取實故能為威者王

管子
去強

能生不能殺曰自攻之國必削能生能殺曰攻敵之國

必強

管子
去強

其刑罰重而信其誅殺猛而必駢然而雷擊之如牆厭

之

管子
強國

夫惜草茅者耗禾穗惠盜賊者傷良民今緩刑罰行寬

惠是利姦邪而害善人也

韓非子
難二

古今異俗新故異備如欲以寬緩之政治急世之民猶

無轡策而御駢馬此不知之患也

韓非子
五蠹

布帛尋常庸人不釋鑠金百鎰盜跖不掇不必害則不

釋尋常必害則手不掇百鎰故明主必其誅也

韓非子
五蠹

十仞之城樓季弗能踰者峭也千仞之山跛牂易牧者

夷也故明王峭其法而嚴其刑也

韓非子
五蠹

人之情性莫先於父母父母皆見愛而未必治也君雖

厚愛奚遽不亂今先王之愛民不過父母之愛子子未必不亂也則民奚遽治哉

韓非子
五蠹

今有不才之子父母怒之弗為改鄉人譙之弗為動師長教之弗為變夫以父母之愛鄉人之行師長之智三美加焉而終不動其脛毛不改州部之吏操官兵推公法而求索姦人然後恐懼變其節易其行矣故父母之愛不足以教子必待州部之嚴刑者民固矯於愛聽於

威矣

韓非子
五蠹

治賊非治所揆也治所揆也者是治死人也刑盜非治所刑也治所刑也者是治胥靡也故曰重一姦之罪而止境內之邪此所以為治也重罰者盜賊也而悼懼者

良民也欲治者奚疑於重刑

韓非子
六反

先聖有諺曰不躡於山而躡於埵山者大故人慎之埵微小故人易之也今輕刑罰民必易之犯而不誅是驅國而棄之也犯而誅之是為民設陷也是故輕罪者民之埵也以輕罪之為民道也非亂國也則設民陷也

韓非子
六

反

故母厚愛處子多敗推愛也父薄愛教管子多善用嚴

也

韓非子
六反

凡人之生也財用足則墮於用力上治懦則肆於為非財用足而力作者神農也上治懦而行修者曾史也夫

民之不及神農曾史亦已明矣

韓非子
六反

母之愛子也倍父父令之行於子也十母吏之於民無愛令之行於民也萬父母積愛而令窮吏用威嚴而民

聽從嚴愛之策亦可決矣

韓非子
六反

今家人之治產也相忍以饑寒相強以苦勞雖犯軍旅
之難饑饉之患溫衣美食者必是家也相憐以衣食相
惠以佚樂天饑歲荒嫁妻賣子者必是家也故法之為
道前苦而長利仁之為道偷樂而後窮聖人權其輕重
出其大利故用法之相忍而棄仁人之相憐也

韓非子
六反

慈母之於弱子也愛不可為前然而弱子有僻行使之
隨師有惡病使之事醫不隨師則陷於刑不事醫則疑

於死慈母雖愛無益於振刑救死則存子者非愛也子母之性愛也臣主權筴也母不能以愛存家君安能以

愛持國

韓非子
八說

荆南之地麗水之中生金人多竊采金采金之禁得而輒辜磔於市甚衆壅離其水也而人竊金不止夫罪莫重辜磔於市猶不止者不必得也故今有於此曰子汝天下而殺汝身庸人不為也夫有天下大利也猶不為者知必死故不必得也則雖辜磔竊金不止知必死雖

子之天下不為也

韓非子內
儲說上

夫火形嚴故人鮮灼水形懦故人多溺子必嚴子之刑

無令溺子之懦

韓非子內
儲說上

董闕于為趙上地守行石邑山中間深峭如牆深百仞
因問其旁鄉左右曰人嘗有入此者乎對曰無有曰嬰
兒癡聾狂悖之人嘗有入此者乎對曰無有牛馬犬彘
嘗有入此者乎對曰無有董闕于喟然大息曰吾能治
矣使吾法之無赦猶入澗之必死也則人莫之敢犯也

何為不治之

韓非子內儲說上

夫嚴家無悍虜而慈母有敗子吾以此知威勢之可以

禁暴而德厚之不足以止亂也

韓非子顯學

宋人有取道者其馬不進倒而投之瀉水又復取道其馬不進又倒而投之瀉水如此者三雖造父之所以威馬不過此矣不得造父之道而徒得其威無益於御人主之不肖者有似於此不得其道而徒多其威威愈多民愈不用譬之若鹽之於味凡鹽之用有所託也不適

則敗託而不可食威亦然必有所託然後可行

呂氏春秋用民

夫人之好色非脂粉所能飾大怒之威非氣力所能行

也

陸子本行

夫負千鈞之重以登無極之高垂峻崖之峭谷下臨不測之淵雖有慶忌之健賁育之勇莫不震懼悚慄者知墜則身首肝腦塗山石也故未嘗灼而不敢握火者見其有灼也未嘗傷而不敢握刃者見其有傷也故立法制辟若臨百仞之壑握火陷刃則民畏忌而無敢犯禁矣

鹽鐵論

周秦

慈母有敗子小不忍也嚴家無悍虜督責急也今不立

嚴家之所以制下而修慈母之所以敗子則惑矣

鹽鐵論周

秦

千仞之高人不輕凌千鈞之重人不輕舉

鹽鐵論刑德

嚴牆三仞樓季難之山高千雲牧豎登之故峻則樓季

難三仞陵夷則牧豎易山巔夫鑠金在鑪莊躄不顧錢

刀在路匹婦掇之非匹婦貪而莊躄廉也輕重之制異

而利害之分明也

鹽鐵論
詔聖

當此之時不任斤斧折之以武而乃始設禮修文有似

窮醫欲以短鍼而攻疽孔丘以禮說跖也

鹽鐵論
大論

荆木冬生司寇緩刑

焦氏易林
歸妹之乾

次四援我罍罍絰羅于野至測曰援我罍罍不能以仁

也

太玄經
第三應

譬存玄胎息呼吸吐納含景內視熊經鳥伸者長生之術也然艱而且遲為者尠成能得之者萬一焉病篤痛

甚身困命危則不得不攻之以鍼石治之以毒烈若廢
和鵲之方而慕松喬之道則死者衆矣仁之為政非為
不美也然黎庶巧偽趨利忘義若不齊之以威糾之以
刑遠羨義農之風則亂不可振其禍深大以殺止殺豈

樂之哉

抱朴子外
篇用刑

明病之術者杜未生之疾達治亂之要者遏將來之患
若乃以輕刑禁重罪以薄法衛厚利陳之滋章而犯者
彌多有似穿窬以當路非仁人之用懷也

抱朴子外
篇用刑

六軍如林未必皆勇排鋒陷火人情所憚然恬顏以勸
之則投命者尠斷斬以威之則莫不奮擊故役歡笑者
不及叱咤之速用誘悅者未若刑戮之齊

抱朴子外
篇用刑

刀鈍礪之以砥筆秃銛之以刀申韓行法以救亂如刀

砥亦所以利之也

揚子法言
註問道篇

撞洪鐘伐靈鼓旁震八鄙軋磕隱訇若疾霆轉雷而激

迅風也

文選東
京賦

政如冰霜姦宄消亡威如雷霆寇賊不生

意林
正部

夫火之焚人也甚於怠農慎火之力也輕於鉅耘通邑
大都有嚴令則火稀無嚴令則燒者數非賞罰不能濟

也 藝文類聚產
業部田論

函牛之鼎沸蟻不得措一足 困學紀聞
卷十諸子

當怒不怒子為豺狼弟為兇虎當鬪不鬪妻為敵國妾

為大寇 道德經指
歸卷十二

猶如兩牛共一軛有人隨後捶豈得不挽重 出曜經
三愛品

簡易

亨魚煩則碎治民煩則散知亨魚則知治民矣

毛詩
匪風

孔子過泰山側有婦人哭於墓者而哀夫子式而聽之
使子路問之曰子之哭也壹似重有憂者而曰然昔者
吾舅死於虎吾夫又死焉今吾子又死焉夫子曰何為
不去也曰無苛政夫子曰小子識之苛政猛於虎也

禮記

檀弓
下

布指知寸布手知尺舒肘知尋十尋而索百步而堵三

百步而里千步而井

大戴禮
記王言

善為政者網舉而網疏網舉則所羅者廣網疏則小必

漏所羅者廣則為政不苛

晉書劉頌傳

去弊拯民必存簡恕捨網修網雖煩易理

宋書武帝中本紀

推則往召則來如墜重於高如瀆水於地故法不煩而

吏不勞

管子七臣七主

夫水濁則無掉尾之魚政苛則無逸樂之士故令煩則

民詐政擾則民不定不治其本而務其末譬如拯溺錘

之以石救火投之以薪

鄧析子無厚

明主之表易見故約立其教易知故言用其法易為故
令行三者立而上無私心則下得循法而治望表而動

隨繩而斷因攢而縫

韓非子
用人

事大衆而數搖之則少成功藏大器而數徙之則多敗
傷烹小鮮而數撓之則賊其澤治大國而數變法則民
苦之是以有道之君貴靜不重變法故曰治大國者若

烹小鮮

韓非子
解老

治身者神不勞治國者民不擾故可長久

河上公註
老子立戒

烹小魚不去腸不去鱗不敢撓恐其糜也治國煩則下

亂治身煩則精散

河上公註
老子居位

削薄其德曾累其刑而欲以為治無以異於執彈而來
鳥捫稅而狎犬也亂乃逾甚夫水濁則魚噉政苛則民
亂故夫養虎豹犀象者為之園檻供其嗜欲適其饑飽
違其怒恚然而不能終其天年者刑有所劫也是以上
多故則下多詐上多事則下多態上多求則下交爭不
直之於本而事之於末譬猶揚堞而彌塵抱薪以救火

也故聖人事省而易治求寡而易贍

淮南子
主術訓

夫責少者易償職寡者易守任輕者易權上操約省之

分下效易為之功是以君臣彌久而不相厭

淮南子
主術訓

水濁者魚噉令苛者民亂城峭者必崩岸峭者必陀故

商鞅立法而支解吳起刻削而車裂治國辟若張瑟大弦

組則小絃絕矣故急轡數策者非千里之御也

淮南子
繆稱訓

員之中規方之中矩行成獸止成文可以將少而不可
以將衆藜菜成行餅甌有堤量粟而舂數米而炊可以

治家而不可以治國滌杯而食洗爵而飲浣而後饋可以養家老而不可以饗三軍非易不可以治大非簡

不可以合衆

淮南子
詮言訓

軍多令則亂酒多約則辯亂則降北辯則相賊故始於都者常大於鄙始於樂者常大於悲其作始簡者其終本必調今有美酒嘉肴以相饗卑體婉辭以接之欲以合歡爭盈爵之間反生鬪鬪而相傷三族結怨反其所憎此酒之敗也

淮南子
詮言訓

水濁則魚困令苛則民亂城峭則必崩岸竦則必弛

說苑

理政

寸而度之至丈必差銖而稱之至石必過石稱丈量徑而寡失簡絲數米煩而不察故大較易為智曲辯難為

慧

說苑
談叢

河出小魚不宜勢煩苛政害民君受其患

焦氏易林
无妄之豐

次七密網離于淵不利于鱗測曰密網離淵苛法張也

太玄經

第三法

欽定四庫全書

喻林

十三

網離于淵鱗物所害猶苛法於世百姓之疾也

太玄經
第三法

解

水濁無掉尾之魚土堦無葳蕤之木政煩無逸樂之民

劉子
愛民

密網裁而魚駭宏羅制而鳥驚

補文選陶潛
感士不遇賦

太古質簡制事樸略故耒耜未用於牛而弧矢不加筋

鐵智非闇也

藝文類聚刑
法部刑法議

魚驚網密鳥亂弓多

文苑英華
薛道衡碑

威行法明漏吞舟之魚法不明則類於細櫛細櫛則苛

慝生也

太平御覽服用部梳篦

吳起教楚悼王損不急之枝官注謂非要急若樹之枝

也養樹者必披落其枝為政者亦損其閑冗

困學紀聞卷十諸子

農人之治田務去其殊類歸於齊一也不急其荒病除

其所以荒病上承天命下綏百姓莫過於此

道德經註

節力

天地節而四時成節以制度不傷財不害民

易節

有冽沆

音軌

泉無浸穫薪契契寤歎哀我憚

丁佐反

人薪是

穫薪尚可載也哀我憚人亦可息也

詩小雅大東

何草不黃桓王之世伐滕薛唐祀諸國連歲不息周人

苦之而作是詩

詩說王

嶰嶰之石桓王伐鄭將帥不堪勞苦而作是詩

詩說王

園有桃其實之穀國有民得其力

毛詩桃有園

穫落木名也既伐而析之以為薪不欲使沆泉浸之浸

之則將濕腐不中用也民人之勞苦者亦不欲使周之

賦歛小東大東極盡之極盡之則將因病亦猶是也

鄭氏

箋詩
大東

若弓久張而不落弦則絕其弓力喻民久勞而不息則

亦損民之力也

禮記正義
雜記下

且譬之如天其有五材而將用之力盡而敝之是以無

拯不可沒振

左傳昭公
十一年

國之用民當隨其力任如金冶之器隨器而制形故言

形民之力去其醉飽過盈之心

杜氏解左傳
昭公十二年

國之用民當隨其力任量其力之所堪而任用之不使

勞役過其所堪也如金冶之器隨器而制形者

春秋正義昭公

十二年

鑄冶之家將作器而制其模謂之為形用民之力依模

用之故言形民之力也

春秋正義昭公十二年

若用民力當隨其所能而制其形模依比形模用民之

力而無有醉飽盈溢之心也

春秋正義昭公十二年

古之君人者必時視民之所勤民勤於力則功築罕民

勤於財則貢賦少民勤於食則百事廢矣

穀梁莊公二十九年

財盡則怨力盡則懟君子危之

穀梁莊公三十一年

魯定公問於顏回曰子亦聞東野畢之善御乎對曰善則善矣然其馬將必佚公曰何以知之對曰以政知之昔者帝舜巧於使民造父巧於使馬舜不窮其民力造父不窮其馬力是以舜無佚民造父無佚馬今東野畢之御也升馬執轡御體正矣步驟馳騁朝禮畢矣厯險致遠馬力盡矣然而猶乃求馬不已臣以此知之公曰

吾子之言其義大矣願少進乎回曰臣聞之鳥窮則啄獸窮則攫人窮則詐馬窮則佚自古及今未有窮其下

而能無危者也

孔子家語顏回

夫山林不能給野火江海不能實漏卮皆所宜禁也

後漢

書王符列傳

其為艱難譬策羸馬以取道里豈可不加意愛惜其力

哉

魏志杜畿傳

鼓繁氣易衰叫數力易竭

宋書柳元景傳

大暑而疾馳甚者馬死薄者馬傷

晏子諫上

布帛不可窮窮不可飾牛馬不可窮窮不可服士不可

窮窮不可任國不可窮窮不可竊也

晏子春秋
秋襟下

夫婦節而天地利風雨節而五穀熟衣服節而肌膚和

墨子
辭過

古之牧天下者不使匠石極巧以敗太山之體不使賁

育盡威以傷萬民之性

韓非子
大體

冬日之閉凍也不固則春夏之長草木也不茂天地不

能常侈常費而況於人乎故萬物必有盛衰萬事必有弛張國家必有文武官治必有賞罰是以智士儉用其財則家富聖人愛寶其神則精盛人君重戰其卒則民

衆

韓非子
解老

視強則目不明聽甚則耳不聰思慮過度則智識亂目不明則不能決黑白之分耳不聰則不能別清濁之聲知識亂則不能審得失之地

韓非子
解老

今說者曰百里之海不能飲一夫三尺之泉足止三軍

渴臣謂欲生於無度邪生於無禁

尉繚子
治本

東野稷以御見莊公進退中繩左右旋中規莊公曰善
以為造父不過也使之鉤百而少及馬顏闔入見莊公
曰子遇東野稷乎對曰然臣遇之其馬必敗公曰將何
敗少頃東野之馬敗而至莊公召顏闔而問之曰子何
以知其敗也顏闔對曰夫進退中繩左右旋中規造父
之御無以過焉嚮臣遇之猶求其馬臣是以知其敗也
故亂國之使其民不論人之性不反人之情煩為教而

過不識數為令而非不從巨為危而罪不敢重為任而
罰不勝民進則欲其賞退則畏其罪知其能力之不足
也則以為繼矣以為繼知則上又從而罪之是以罪召
罪上下之相讐也由是起矣故禮煩則不莊業煩則無
功令苛則不聽禁多則不行

呂氏春秋
適威

矢之於十步貫兕甲於三百步不能入魯縞騏驥一日

千里其出致釋駕而僵

淮南子
說山訓

昔者舜工於使人造父工於使馬舜不窮其民造父不

極其馬者以故舜無佚人造父無佚馬

韓詩外傳

馬不調造父不能超千里之迹民不附唐虞不能致同天之美馬極則變態生而傾憤惟憂矣民困則多離叛

其禍必振矣

抱朴子外篇君道

民財匱矣而求不已下力竭矣而役不休欲怨難而不生親其寧之惟永猶斷根以續枝割背以裨腹刻日以

廣明剗耳以開聰也

抱朴子外篇博喻

夫善御者將以盡其能也盡能在於自任而乃走作驟

步求其過能之用故有不堪而多死馬若任駕驥之力
適遲疾之分雖足迹接乎八荒之表而衆馬之性全矣

郭子註

莊馬蹄

足寒傷心民勞傷國足溫而心平人佚而國寧

劉子
愛民

人君苑囿禽獸故殺人竭力於晝也土木衣綿錦故絲
人竭力於夜也晝夜竭力而猶不足是故為惡政

揚子
法言

註先

知篇

古有弟子病師數往看之師至弟子輒起因勞而致死

師非不仁弟子非無禮傷於數也

意林
魏子

弓折由射者之數劍缺因用之者多

太平御覽
兵部弓

御者箠策示有威怒東野之敗督責過度

太平御覽
兵部障泥

武王曰吾欲造起居之誠隨之以身箠書曰馬不可極

民不可劇馬極則躓民劇則敗

玉海聖文
御製賦

書井曰原泉滑滑連旱則絕取事有常賦斂有節

玉海
踐昨

篇集

解

譬如智者籌量牛力所堪多小不令過分以竭其力

佛
遺

教經
羊五

喻林卷一百二

欽定四庫全書

喻林卷一百三

明 徐元太 撰

政治門八

順民

古人有言曰人無於水監當於民監

書酒
誥

譬若以弩射也可準度之機已張之矢當以意往省視
矢括當於所度則釋而放之如是而射則無不中矣猶
若人君所修政教欲發命也當以意夙夜思之使當於

民心明且行之則無不當矣

尚書正義
太甲上

夫射者張弓屬矢而志在所射必中然後發之為政之道亦如是也以已心度之可施於彼然後出之

尚書正義
盤庚

上

古之朋友相謂云我豈曰子無衣乎我冀欲與子同袍朋友同欲如是故朋友成其恩好以興明君能與百姓同

欲故百姓樂致其死

毛詩正義
無衣

土地是農夫之田人情者亦是聖王之田也

禮記正義
禮運

獸惡其網民惡其上

周國語

湯曰予有言人視水見形視民知治不

史記殷本紀

淳于髡曰弓膠昔幹所以為合也然而不能傅合疏罅

騶忌子曰謹受令請謹自附於萬民

史記田完世家

治亂民猶治亂繩不可急也唯緩之然後可治

前漢書循吏傳

在溢則激處平則恬水之性也急之則擾緩之則靜民

之情也

後漢紀孝靈下

夫國之有民猶水之有舟停則以安擾則以危愚而不

可欺弱而不可勝是以聖王重馬

吳志駱統傳

夫以微羈而御悍馬又乃操以煩策其不制者固其理

也

晉書阮仲傳

此等習俗放散日久有似園中之鹿急則衝突緩之則

定

魏書劉潔傳

天下之人如流水障之則止啟之則行靜之則清

太公六韜

文啓

昔者堯之治天下也猶埴之在埏也惟陶之所以為猶

金之在爐也恣冶之所以鑄

管子任法

夫法之利民也猶陶之於埴冶之於金也故審利害之

所在民之去就如火之於燥濕水之於高下

管子禁藏

所欲者能得諸民故賢材遂所惡者能除諸民故姦偽

省如冶之金陶之埴制在工也

管子君臣上

民之制於上猶草木之制也時也故民迂則流之民流

通則迂之決之則行塞之則止

管子君臣下

能若夫風與波乎唯其所欲適

管子白心

如以予人財者不如無奪時如以予人食者不如無奪

其事

管子
侈靡

明惠之君不拂是以行其所欲此譬之猶自治魚鼈者也去其腥臊者而已昧墨與人比居庾肆而教人危坐

晏子春
秋諫下

其用法為時禁暴故世不逆其志其用兵為眾屏患故

民不疾其勞

晏子
問下

善為政者積其德善用兵者畜其怒德積而民可用也

怒畜而威可立也

文子
下德

夫負重者患塗遠據貴者憂民離負重塗遠者身疲而無功在上離民者雖勞而不治故智者量塗而後負明

君視民而出政

鄧析子
無厚

君見其牧羊者乎百羊而羣使五尺童子荷箠而隨之欲東而東欲西而西使堯牽一羊舜荷箠而隨之則不

能前矣

列子
楊朱

狙公賦芋曰朝三而暮四衆狙皆怒曰然則朝四而暮

三衆狙皆悅名實未虧而喜怒為用亦因是也是以聖

人和之以是非而休乎天鈞

莊子齊物論

娟飛蠕動微蟲耳亦猶懷利害之心故順之則喜悅逆

之則勃怒况於人乎

鬼谷子揣篇註

夫下之和上譬之猶響之應聲影之像形也故為上者

不可不順也

荀子疆國篇

安國之法若饑而食寒而衣不令而自然也

韓非子安危

欲知天道察其數欲知地道物其樹欲知人道從其欲

淮南子
繆稱訓

聖人不困其衆以兼國良御不困其馬以兼道故造父
之御不失和聖人之治不倍德秦攝利衡以御宇內執
修篲以笞八極驟服以罷而鞭策愈加故有傾衡遺篲

之變

鹽鐵論
結和

樹木數徙則殘蟲獸徙居則壞故代馬依北風飛鳥翔
故巢莫不哀其生由此觀之民非利避上公之事而樂

亾也

鹽鐵論
未通

民之仰法猶魚之仰水水清則靜濁則擾擾則不安其

居靜則樂其業

鹽鐵論
昭聖

民知十已則尚與之爭曰不如吾也百已則疵其過千已則誰而不信是故民不可稍而掌也可并而牧也不可暴而殺也可麾而致也衆不可戶說也可舉而示也

說苑
政理

問善御者莫如馬問善治者莫如民

說苑
談叢

衆口嘈嘈雖貴必危

焦氏易林
蠱之艮

夫婦咒咀太山覆顛

焦氏易林噬嗑之未濟

睹孺子之驅雞也而見御民之有道孺子驅雞者急則驚緩則滯方其北也遽要之則折而過南方其南也遽要之則折而過北迫則飛踈則放志閑則比之流緩而不安則食之不驅之驅驅之至者也志安則循路而入

門

申鑿政體

聖人無常心以百姓為心目為心視口為心言耳為心聽身為心安故身之有心若國之有君

武侯十六策視聽

聖人所以陶運羣生使各得其性亦猶役人之能將養

禽獸使不相殘害也

張湛註列子黃帝

百姓之心形聲也大人之教影響也大人之於天下何

心哉猶影響之隨形聲耳使物之所懷各得自盡問者

為主應故為配

郭子註莊子在宥

但知管子借耳於天下不知堯借人心而後用其耳目

意林物
理論

小民髮如韭剪復生頭如雞割復鳴

太平御覽
菜部韭

王若欲來天下之民先設其利而民自至譬若冬日之

陽夏日之陰不召而民自來

玉海地
里山川

食民所吐服民所醜居民所使樂民所苦務在順民不
遑適已故民託之如父愛之如母願為臣妾與之俱死

道德經指
歸卷十三

如慈母善別嬰兒聞其啼呼知其饑渴及以痛痒隨宜

飲食及與方藥

玉清經通
濟幽冥品

安民

山附於地剝上以厚下安宅

剝 易

治民務除惡政當如痛病在汝身欲去之

孔氏傳
書康誥

鴻鴈于飛肅肅其羽之子于征劬勞于野○鴻鴈于飛

集于中澤

叶徒
洛反

之子于垣

音
袁

百堵皆作

詩小雅
鴻鴈

鴻鴈美宣王也萬民離散不安其居而能勞來還定安

集之至于矜寡無不得其所焉

毛詩
鴻鴈

鴛鴦休息于梁明王之時人不驚駭斂其左翼以右翼

掩之自若無恐懼

鄭氏箋
詩鴛鴦

鴻鴈之性安居澤中今飛又集于澤中猶民去其居而

離散今復還定安集

鄭氏箋
詩鴻鴈

昆連子主我刀斧無俾野獸犧虎之類傷殘生命無俾

同類大力之徒區逐微弱

三墳
山墳

文帝時會天下新去湯火

史記
律書

式乃拜為郎布衣屨而牧羊歲餘羊肥息上過見其羊
善之式曰非獨羊也治民亦猶是也以時起居惡者輒

斥去毋令敗羣

史記平
準書

列郡無犬吠之驚叢祠罷狐鳴之盜

陳書高祖上紀

善為水者引之使平善化人者撫之使靜水平則無損

於隄防人靜則不犯於憲章

隋書孝義史臣傳

民之不移也如廢方於地

管子乘馬數

馬駭輿則君子不安輿庶人駭政則君子不安位馬駭

輿則莫若靜之庶人駭政則莫若惠之

荀子王制

衛人有佐戈者烏至因先以其褰麾之烏驚而不射也

韓非子內

儲說左上

身以積精為德家以資財為德鄉國天下皆以民為德

韓非子

解老

國主之有民也猶城之有基本之有根根深則本固基

美則上寧

淮南子
秦族訓

水有獮獺而池魚勞國有強禦而齊民消故茂林之下

無豐草大塊之間無美苗

鹽鐵論
輕重

禹鑿龍門通利水源東注滄海民得安從

焦氏易林
乾之豫

橐冥山巔銷鋒鑄刃示不復用天下大歡

焦氏易林
人之同人

日入道極勞者休息班馬還師復我燕室

焦氏易林
蹇之復

次五舳艫調安利富貞測曰舳艫安和順其疆也

太玄
經第

三
居

夫雲翔者不知泥居之洿處貴者眇怒羣下之勞然根
朽者尋木不能保其千里之茂也民怨者堯舜不能恃

其長世之慶也

抱朴子外
篇廣譬

夫天下大器也羣生重畜也愛惡相攻利害相奪其勢

常也若積水于防燎火于原未嘗整靜也

文選干寶
晉紀總論

乘車必護輪治國必愛民車無輪安處國無民誰與古文

死馮行
車銘

方使怖鴿獲安窮魚水樂

藝文類聚產
業部錢啓

呂望年七十釣于渭渚三日三夜魚無食者與農人言
農人者古之老賢人也謂望曰子將復釣必細其綸芳
其餌徐徐而投之無令魚駭望如其言初下得鮒次得

魚
產業部釣
里藝文類聚

舟非水不行水入舟沒民非君不治民犯上則君危故

君子不可不嚴也

藝文類聚
人部鑒誠

飛蓬隨風集于王良之衡而駟馬為之奔乳虎為之走

蓬非馬之策馬非蓬之敵所以或奔走者驚也

太平御覽
百卉

蓬部

欲水之清則勿涉欲草之茂則勿獵

太平御覽
資產部獵

善耕者足以謹地待時而動善射者調弓定準見可而

發君子善養其人足用

太平御覽
兵部弓

民難養而易散氣難保而易失審威德所以固其理割

嗜欲所以成其真

廣黃帝本行紀

夫聖人之撫百姓亦猶慈母之育嬰兒始食則餌以甘肥甘肥既厭復改以脂蜜脂蜜既厭則五體休和內外

平豫

弘明集難夷夏論

足民

宣王之德如澗水之源秩秩流出無極已也國以饒富

民取足焉如於深山

鄭氏箋詩斯干

郊外野中有蔓延之草草之所以能延蔓者由天有隕

落之露溥溥然霑潤之以興民所以得蕃息者由君有

恩澤之化養育之

毛詩正義
野有蔓草

幽幽然深遠財物豐積者南山也以興貨殖盈足者王

國也王貨物豐殖民用饒足亦似深山之有材也

毛詩
正義

斯
干

民既豐富得以生長故其民衆多如竹之叢生根本之
衆矣其長大又佼好如松木之葉常冬夏暢茂無衰落

矣

毛詩正
義斯干

民非水火不生活昏暮叩人之門戶求水火無弗與者

至足矣聖人治天下使有菽粟如水火菽粟如水火而

民焉有不仁者乎

孟子盡心上

民君食民臣力民所尊崇以食為本務故為君矣民之

使力如君使臣也

三墳山墳

高以下為基人以食為大

晉書潘岳傳

囊漏貯中識者不吝反裘負薪存毛實難

南史范泰傳

內削其民以為攻伐譬猶漏釜豈能無竭

管子四稱

樹木之勝霜露者不受令於天家足其所者不從望人

管子輕重乙

馬者所乘以行野也故雖不行於野其食養馬也未嘗解惰也民者所以守戰也故雖不守戰其治養民也未

嘗解惰也

管子形勢解

今夫蛆螾蚘蠋春生秋死一出而民數年不食今一人耕而百人食之此其為蛆螾蚘蠋亦大矣雖有詩書鄉一束家一員猶無益於治也

商子農戰

王者富民霸者富士僅存之國富大夫亾國富筐篋實
府庫筐篋已富府庫已實而百姓貧夫是之謂上溢而

下漏

荀子王制篇

老聃有言曰知足不辱知止不殆夫以殆辱之故而不
求於足之外者老聃也今以為足民而可以治是以民

為皆如老聃也

韓非子六反

君有好獵者曠日持久而不得獸入則媿其家室出則
媿其知友州里惟其所以不得之故則狗惡也欲得良

狗則家貧無以於是還疾耕疾耕則家富家富則有以求良狗狗良則數得獸矣田獵之獲常過人矣非獨獵也百事也盡然霸王有不先耕而成霸王者古今無有

此賢者不肖之所以殊也

呂氏春秋貴當

地可使肥又可使棘人肥必以澤

呂氏春秋任地

且夫饑代事也猶淵之與阪誰國無有

呂氏春秋長攻

百姓不足而君有餘者是猶劫盜以為服飾持行夸人

不知身死家破親戚并隨也

河上公註老子益證

築城者先厚其基而求其高畜民者先厚其業而後求

其澹

古贈字○鹽
鐵論未通

周諺曰囊漏貯中而獨不聞歟夫君者民之父母取倉

之粟移之於民此非吾之粟乎

新序
刺奢

倉盈庾億宜種黍稷年豐歲熟民人安息

焦氏易林
乾之師

次六割之無割飽于四方測曰割之無割道可分也

太玄

經第
六割

次三糞以肥丘育厥根茲測曰糞以肥丘中光大也

太玄

經第
六養

天下國家一體也君為元首臣為股肱民為手足下有
憂民則上不盡樂下有饑民則上不備膳下有寒民則
上不具服從跣而垂旒非禮也故足寒傷心民寒傷國

申鑒
政體

王者以四海為家兆人為子一夫不耕天下受其饑一

婦不織天下受其寒

潛夫論
浮侈

夫饑寒並至而能無為非者寡然則溫飽並至而能不

為善者希

王克論衡
治期篇

夫獮多則魚擾鷹衆則鳥亂有司設則百姓困奉上厚

則下民貧

抱朴子外
篇詰鮑

衣食者民之本也民者國之本也民恃衣食猶魚之須
水國之恃民如人之倚足魚無水則不得而生人失足
必不可以步國失民亦不可以治

劉子
貴農

饑寒並至而欲禁人為盜是揚火而欲無炎撓水而望

其靜不可得也

劉子
貴農

民如六畜在牧養者耳

李善註文選于令升晉紀總論

就使當今沙磧化為南金瓦石變為和玉使百姓渴無所飲饑無所食雖皇義之純德唐虞之文明猶不能以

保蕭牆之內也

補文選劉陶鑄錢議

泉竭中虛池竭頻乾

廣文選揚子雲文州牧箴

使民主養民如蠶母之養蠶則其用豈徒絲蠶而已哉

太平御覽

資產部蠶

激勸

陵雪襲穎貞柯必振尊風賞流清原斯挹

宋書良吏
陸微得

桀之犬實可吠堯跖之客實可刺由又何況由之犬堯

之客

南齊書崔
慧景傳

軒冕立於朝爵祿不隨臣不為忠中軍行戰委予之賞

不隨士不死其列陳

管子輕
重甲

越王句踐見怒鼃而式之御者曰何為式王曰鼃有氣
如此可無為式乎士人聞之曰鼃有氣王猶為式况士

人之有勇者乎是歲人有自剄死以其頭獻者

韓非子
內儲說

上

上下相得故能使用力者自極於權衡而務至於任鄙
戰士出死而願為賁育守道者皆懷金石之心以死子
胥之節用力者為任鄙戰如賁育守為金石則君人者

高枕而守已完矣

韓非子
守道

香餌之下必有死魚重賞之下必有勇夫故禮者士之
所歸賞者士之所死招其所歸示其所死則所求者至

黃石公

三畧上

今有千里之馬於此非得良工猶若弗取良工之與馬也相得則然後成譬之若枹之與鼓夫士亦有千里高節死義此士之千里也能使士待千里者其惟賢者也

呂氏春秋知士

闔廬試其民於五湖劔皆加於肩地流血幾不可上句踐試其民於寢宮民爭入水火死者千餘矣遽擊金而卻之賞罰有克也莫耶不為勇者興懼者變勇者以工懼者以拙能與不能也夙沙之民自攻其君而歸神農

密湏之民自縛其主而與文王湯武非徒能用其民也
又能用非已之民能用非已之民國雖小卒雖少功名

猶可立

呂氏春秋用民

趙簡子有兩白騾而甚愛之陽城胥渠處廣門之官夜
款門而謁曰主君之臣胥渠有疾醫教之曰得白騾之
肝病則止不得則死謁者入通董安于御於側愠曰嘻
胥渠也期吾君騾請即刑焉簡子曰夫殺人以活畜不
亦不仁乎殺畜以活人不亦仁乎於是召庖人殺白騾

取肝以與陽城胥渠處無幾何趙興兵而攻翟廣門之

官左七百人右七百人皆先登而獲甲首

呂氏春秋
秋決勝

田子方見老馬於道喟然有志焉以問其御曰此何馬也其御曰此故公家畜也老罷而不為用出而鬻之田子方曰少而貪其力老而棄其身仁者弗為也束帛以贖之罷武聞之知所歸心矣齊莊公出獵有一蟲舉足將搏其輪問其御曰此何蟲也對曰此螳螂也其為蟲也知進而不知却力量而輕敵莊公曰此為人而必

為天下勇武矣迴車而避之勇武聞之知所盡死矣故
田子方隱一老馬而魏國戴之齊莊公避一螳螂而勇
武歸之故聖人行之於小則可以覆大矣審之於近則

可以懷遠矣

淮南子
人間訓

夫服重上阪出馳千里馬之禍也然節馬樂之者以王
良足為盡力也先登陷陣赴死嚴敵民之禍也然節士

樂之者以明君可為効死也

潛夫論
勸將

除惡犬以遏酒醜之患市馬骨以招追風之駿軾怒鼉

以勸勇避螳螂以厲武

抱朴子外
篇君道

螳螂見歎齊士輕戰越王軾鼃國以死獻

藝文類聚人
部鑒誠詩

越王問於大夫種曰吾欲伐吳可乎對曰可矣君賞厚
而信罰嚴而必君欲知之何不試焚宮室於是遂焚宮
室民莫救火乃下令曰人救火而死者比敵死之賞勝
火而死者比勝敵之賞不救火者比降北之罪民之塗糞
體被濡衣走火者左三千人右三千人此知必勝之勢

也

藝文類聚刑
法部刑法

布澤

冽音列彼下泉浸彼苞稂音郎○冽彼下泉浸彼苞蕭叶疎反

○冽彼下泉浸彼苞著音尸○詩
國風下泉

芄芄音蓬黍苗陰雨膏去聲之詩國風
下泉

蓼六音彼蕭斯零露滑上聲兮○蓼彼蕭斯零露瀼瀼音攘○

蓼彼蕭斯零露泥泥音你○蓼彼蕭斯零露濃濃音瀼
詩小雅

湛上聲湛露斯匪陽不晞○湛湛露斯在彼豐草○湛湛

露斯在彼杞棘詩小雅
湛露

蓼蕭澤及四海也

毛詩
蓼蕭

葛也藟也生於河之厓得其潤澤以長大而不絕喻王

之同姓得王之恩施以生長其子孫

鄭氏箋
詩葛藟

露者天所以潤萬物喻王者恩澤不為遠國則不及也

鄭氏箋

詩蓼蕭

天下之民如黍苗然宣王能以恩澤育養之亦如天之

有陰雨之潤

鄭氏箋
詩黍苗

冬有積雪春而益之以小雨潤澤則饒洽

鄭氏箋詩
信南山

旱山之足林木茂盛者得山雲雨之潤澤也喻周邦之

民獨豐樂者被其君德教

鄭氏箋
詩旱麓

草之所以能延蔓被盛露也民之所以能蕃息蒙君澤

也

毛詩正義
野有蔓草

激揚之水豈不能流移一束之薪乎言能流移之以興王者之尊豈不能施行恩澤於下民乎言其能施行之

毛詩正義
揚之水

秩秩然出無極已者此澗水之流也以興施無有窮者

此宣王之德也言王德之無窮猶澗水流之不竭

毛詩正義

斯干

客始至主人以簋盛饗以七載肉而待之是主人供承之惠於賓客厚也以興古者天子施予之恩於天下厚

也

毛詩正義大東

言芄芄長大者是黍苗也此黍苗所以得長大者天以陰雨之澤膏潤之故也以興宣王之時悅樂者是衆人也此衆人所以得悅樂者由王以恩惠之澤養育之故

也以黍苗之仰膏雨猶衆人之仰恩惠是宣王能育潤

天下

毛詩正義
黍苗

祭者澤之大者也是故上有大澤則惠必及下顧上先下後耳非上積重而下有凍餒之民也是故上有大澤則民夫人待于下流知惠之必將至也由餒見之矣

禮記

祭統

夫祭有畀燁胞翟閭者惠下之道也唯有德之君為能

行此

禮記
祭統

鬼神有祭不獨饗之使人餒之恩澤之大者國君有蓄

積不獨食之亦以施惠於境內也

鄭氏註禮記祭統

藥攻人疾先使瞑眩慣亂乃得瘳愈喻行仁當精熟德

惠乃洽也

趙氏註孟滕文公上

雲天成陰聖人以澤蔭庶物

三墳形墳

萬物燥澤可及天地怒澤能悅萬形惡澤能美

乾坤鑿度乾鑿

上度

賢能太守去帝城不遠河潤九里冀京師并蒙福也

後漢

書郭伋

列傳

泚泚庶類含甘吮滋

後漢書
蔡邕傳

春雨之灌萬物無地不澍無物不生

後漢書明
帝紀註

莫不鳥騰魚躍喜蒙德澤

晉書摯
虞傳

天波既洗雲油遽沐

梁書袁
昂傳

幸聖主留善貸之德紆好生之施解網咒禽下車泣罪

愍茲志詬憐其殼鯨加肉朽齒布葉枯株輟薪止火得

不銷爛所謂還魂斗極追氣泰山

梁書王
僧孺傳

雲樞鬱起澤及百司企春望榮內外同慶

魏書任城王雲子澄傳

招搖東指天下識其春人君布德率土懷其惠

周書黎景熙藝

術傳

夫渤澥之侵沾濡千里列國之政豈周之膏潤者歟

隋書

刑法志

洪恩大澤使同海運

隋書楊素傳

雷之動也萬物啟雨之潤也萬物解大人施行有似於

此文子

上德

治身者愛氣則身全治國者愛民則國安治身者呼吸
精氣無令耳聞也治國者布施惠德無令下知也

河上
公註

老子
能為

聖人積德不積財有德以教愚有財以與貧既以爲人
施設德化已愈有德既以財賄布施與人而財益多如

日月之光無有盡時也

河上公註
老子顯質

饗飲之禮先爵於卑賤而後貴者始差殺膳下泆而樂
人始奏觴不下徧君不賞差殺不下泆上不舉樂故禮

者所以恤下也

賈子禮

積雨潤下畜地光也

京氏易傳大畜上

潼瀕尉奮膚寸來會津液下降流潦滂沛

焦氏易林履之恒

府藏之富王以賑貸

焦氏易林坎之大過

五岳四瀆合潤為德行不失理民賴恩福

焦氏易林恒之井

嵩高岱宗峻直且神觸石膚寸千里蒙恩

焦氏易林大壯之兌

隱隱大雷霂霂為雨

焦氏易林巽之離

雲興蔽日雨集草木年茂歲熟

焦氏易林未濟之升

次三蒼木維流厥美可以達於瓜苞測曰蒼木維流內

恕以量也

太玄經
第二連

上九雨降於地不得止不得過測曰雨降于地澤節也

太玄經

第五用

次六飲汗吭吭得其膏滑測曰飲汗吭吭道足嗜也

太玄

經第

六闕

人不喜不施恩天不悅不降雨

王克論衡
雷虛篇

細密之雨能潤於枯瀆况於谷邪

太玄經第
一少解

雖星畢之滂沱尚未齊其膏液

文選蜀都賦

弛秋霜之嚴威流春澤之渥恩

文選西征賦

民望如草我澤如春

文選曹植士啓

春雨潤木自葉流根鳴鶉恤功愛子及室故天稱罔極

之恩聖有綢繆之惠

文選張俊爲謝詢作表

江海所流無地不潤雲雨所加無物不茂

藝文類聚封爵部親戚封

表

固宜觀象雷雨布寬大之恩取類澤風申肆眚之令

藝文

類聚治政
部敕宥詔

非日非月蒼生仰其照臨如雲如雨天下蒙其恩蔭

苑文

英華除陵
贈答上書

語曰雷高弗雨雷在南山之下則雨矣

埤雅天
道門雷

井以汲人水無空竭猶人君以政教養天下惠澤无窮

也

玉海周易
鄭康成註

譬如甘雨潤於一切若山若澤若高若下是諸草木无

不蒙益

海空智藏
經普說品

若如海龍普雨天下無所不潤

修行道地
經修行品

天不終朝而雨六合者彌天之雲也弘淵源以潤八極者四大之流也彼直無為降而萬物賴其澤此本無心

行而高下蒙其潤

弘明集
卷十二

望治

肆若農服田饑以望獲

汲冢周易
度邑解

下泉思治也曹人疾共公侵刻下民不得其所憂而思

明王賢伯也

毛詩
下泉

野有蔓草思遇時也君之澤不下流民窮於兵革男女

失時思不期而會焉

毛詩野有蔓草

褰裳思見正也狂童恣行國人思大國之正已也

毛詩褰裳

誰能亨魚者乎有能亨魚者我則漑滌而與之釜鬯以

興誰能西歸輔周治民者乎有能輔周治民者我則歸

之以周舊政令之好音

毛詩正義匪風

今燕虐其民王往而征之民以為將拯已於水火之中

也

孟子梁惠王下

民之憔悴於虐政未有甚於此時者也饑者易為食渴

者易為飲

孟子公孫丑上

民之思明君猶水樂卑下獸樂廣野毆之則歸其所樂

趙氏註孟離婁上

莫不望景聳魂瞻雲佇足

宋書謝莊傳

傾首東望仰希拯接咸同旱苗之待天澤赤子之望慈

親

宋書索虜傳

夫流於海者行之旬月見似人者而喜矣及其暮年也

見其所常見物於中國者而喜矣夫去人滋久而思人滋深歟亂世之民其去聖王亦久矣其願見之日夜無

間故賢主秀士之欲憂黔首者不可不務也

呂氏春秋聽言

雲雷困積大雨重疊久不見日使我心悒

焦氏易林

喁喁嘉草思降甘雨景風生上沾洽時澍

焦氏易林

蒼生饑德億兆渴化

文苑英華孔

三伏之日炎暑赫曦男女行來其氣短急望見義井則

喜不可言未至而憂既至而樂號為歡樂井

太平御覽

詩序部伏

日

衆生樂見如夏日雲衆生樂受如夏時雨

大方等大集
經卷二十五

猶如篤病樂見良醫處闇之者樂觀光明如没水者樂

至彼岸如受苦者樂得歸依

大方等大集
經卷二十八

亢陽如久必思甘雨之澤災癘若多尅待良醫之藥

法苑

珠林卷
九十七

喻林卷一百三

欽定四庫全書

喻林卷一百四

明 徐元太 撰

政治門九

理財

國君有財貨而不能如用如山隰不能自用其財

毛詩山有樞

嬪貢絲枲也器貢銀鐵石磬丹漆也幣貢玉馬皮帛也

材貢櫨幹枯栢篠蕩也貨貢金玉龜貝也服貢絺紵也

游貢燕好珠璣琅玕也物貢雜物魚鹽橘柚也

鄭氏註周禮天

宰官太

且絕民用以實王府猶塞川原而為潢汚也其竭也無

日矣

國語周

登良山而採符玉泛瀛海而罩珠璣

晉書食貨志

壤可以為粟木可以為貨粟盡則有生貨散則有聚君人

者名之為貴財安可有

管子中匡

王主積于民霸王積于將士衰主積于貴人亡主積于

婦女珠玉故先王慎其所積

管子樞言

宮室械器非山無所仰然後君立三等之租於山曰握
以下者為柴植把以上者為室奉三圍以上為棺槨之

奉

管子山
國軌

善為國者如金石之相舉重鈞則金傾故治權則勢重
治道則勢贏今穀重於吾國輕於天下則諸侯之自泄
如原水之就下

管子
揆度

此所謂用若挹於河海若輸之給馬此陰王之業

管子
輕重

甲

五穀粟米者民之司命也黃金刀布者民之通貨也先

王善制其通貨以御其司命故民力可盡也

管子輕重乙

源泉有竭鬼神有歇守物之終始身不竭此謂源究

管子

輕重

下

玉起於禺

音虞

氏金起於汝漢珠起於赤野東南西北距

周七千八百里水絕壤斷舟車不能通先王為其途之
遠其至之難故託用於其重以珠玉為上幣以黃金為
中幣以刀布為下幣三幣握之則非有補於煖也食之

則非有補於飽也先王以守財物以御民事而平天下

也管子
國蓄

北海則有走馬吠犬焉然而中國得而畜使之南海則
有羽翮齒革曾青丹干焉然而中國得而財之東海則
有紫紘魚鹽焉然而中國得而衣食之西海則有皮革
文旄焉然而中國得而用之故澤人足乎木山人足乎
魚農夫不斲削不陶冶而足械用工賈不耕田而足菽
粟故虎豹為猛矣然君子剝而用之故天之所覆地之

所載莫不盡其美致其用

荀子
王制

上得天時下得地利中得人和則財貨渾渾如泉源

汭如河海暴暴如丘山

荀子
富國

田野縣鄙者財之本也垣窳倉廩者財之末也百姓時

和事業得叙者貨之源也等賦府庫者貨之流也故明

王必謹養其和節其流開其源而時斟酌焉

荀子富
國篇

利出一空者其國無敵利出二空者其兵半用利出十

空者民不守

韓非子
飾令

今夫越之具區楚之雲夢宋之鉅野齊之孟諸有國之

富而伯王之資也人主統而一之則強不禁則亾齊以

其腸胃予人家強而不制枝大而折幹以專巨海之富

而擅魚鹽之利也

鹽鐵論
刺權

賢聖治家非一室富國非一道

鹽鐵論
本議

夏后以玄貝周人以紫石後世或金錢刀布物極而衰

終始之運也

鹽鐵論
錯幣

今山澤之財均輸之藏所以御輕重而役諸侯也汝漢

之金纖微之貢所以誘外國而釣羗胡之寶也

鹽鐵論力耕

聖人因天時知者因地財上士取諸人中士勞其形長

沮桀溺無百金之積蹠躄之徒無猗頓之富

鹽鐵論力耕

使治家養生必於農則舜不為甄陶而伊尹不為庖

鹽鐵

論力耕

是開利孔為民罪梯者也

鹽鐵論本議

家人有寶器尚函匣而藏之况人主之山海乎

鹽鐵論禁耕

民人藏於家諸侯藏於國天子藏於海內故民人以垣

墻為藏閉天子以四海為匣匱

鹽鐵論
禁榷

若各居其處食其食則是橋柚不鬻胸鹵之鹽不出旃

罽不市而吳唐之材不用也

鹽鐵論
通有

家人語陶朱為生本末異徑一家數事而治生之道乃

備鹽鐵論
水旱

王國富民霸國富士僅存之國富大夫亡道之國富倉

府是謂上溢而下漏

說苑
政理

譬無異夫路人反裘而負芻也將愛其毛不知其裏盡

毛無所恃也今吾田地不加廣士民不加衆而錢十倍

必取之士大夫也

新序雜事二

或曰弘羊權利而國用足蓋權諸曰譬諸父子為人父

而權其子縱利如子何

揚子寡見篇

王者藏於天下諸侯藏於百姓農夫藏於困庾商賈藏

於篋匱

初學記居處部庫藏

通變

被髮文身錯臂左衽甌越之民也黑齒雕題鯁冠秫縫

大吳之國也禮服不同其便一也是以鄉異而用變事異而禮易是故聖人苟可以利其民不一其用果可以

便其事不同其禮

戰國策趙武靈王

聖與俗流賢與變俱諺曰以書為御者不盡馬之情以古制今者不達事之變故循法之功不足以高世法古

之學不足以制今

戰國策趙武靈王

三王之道若循環終而復始

史記高祖紀

俗已薄於三代而行堯舜之刑是猶以鞿而御驛突違

救時之宜矣

前漢書
刑法志

一色成體謂之純白黑雜合謂之駁欲以成平之法治

暴秦之緒猶以鄉飲酒之禮理軍市也

前漢書
海福傳

聖人能與世推移而俗士苦不知變以為結繩之約可

復理亂秦之緒干戚之舞足以解平城之圍

後漢書
崔駰列傳

不能通其變而一度以揆之斯契船而求劍守株而伺

兔也

後漢書
張衡列傳

夫奕者之思盡於一局者也聖人之明周於天下者也

苟一局之勢未嘗盡同則天下之事豈必相襲哉

後漢紀孝

章下

天以盈虛為運政以損益為道

晉書劉毅傳

惟天地之道一陰一陽禮俗之變一文一質

周書蘇綽傳

乾道變化陰陽所以消息沿創不同生靈所以順序若使天意不變施化何以成四時人事不易為政何以利

萬姓

北史隋本紀下

民變而不能變是稅之傳革

管子侈靡

孔子西游於衛顏淵問師金曰以夫子之行為奚如師
金曰惜乎而夫子其寤哉夫芻狗之未陳也盛以篋衍
巾以文繡尸祝齋戒以將之及其已陳也行者踐其首
脊蘇者取而爨之而已將復取而盛以篋衍巾以文繡
游居寢臥其下彼不得夢必且數昧焉今而夫子亦取
先王已陳芻狗取弟子遊居寢臥其下故伐樹於宋削
迹於衛窮於商周是非其夢邪圍於陳蔡之間七日不
火食死生相與鄰是非其昧邪夫水行莫如用舟而陸

行莫如用車以舟之可行於水也而求推之於陸則沒
世不行尋常古今非水陸與周魯非舟車與今斲行周
於魯是猶推舟於陸也勞而無功身必有殃彼未知夫
無方之傳應物而不窮者也且子獨不見夫桔槔者乎
引之則俯舍之則仰彼人之所引非引人也故俯仰而
不得罪於人故譬三皇五帝之禮義法度其猶祖黎橘
柚邪其味相反而皆可於口故禮義法度者應時而變
者也今取猿狙而衣以周公之服彼必齟齬挽裂盡去

而後慊觀古今之異猶獲狙之異乎周公也故西施病
心而曠其里其里之醜人見而美之歸亦捧心而曠其
里其里之富人見之堅閉門而不出貧人見之挈妻子
而去之走彼知美曠而不知曠之所以美惜乎而夫子

其寤哉

莊子
天運

彼後王者天下之君也舍後王而道上古譬之是猶舍
已之君而事人之君也故曰欲觀千歲則審今日欲知
億萬則審一二故曰以近知遠以一知萬以微知明
荀子

相非

今有構木鑽燧於夏后氏之世者必為鯀禹笑矣有決
瀆於殷周之世者必為湯武笑矣然則今有美堯舜湯

武禹之道於當今之世者必為新聖笑矣

韓非子
五蠹

宋人有耕田者田中有株兔走觸株折頸而死因釋其
耒而守株冀復得兔兔不可復得而身為宋國笑今欲
以先王之政治當世之民皆守株之類也

韓非子
五蠹

為政猶沐也雖有棄髮必為之愛愛棄髮之費而忘長

髮之利不知權者也

韓非子
六反

古者寡事而備簡樸陋而不盡故有珣鉞而推車者古者人寡而相親物多而輕利易讓故有揖讓而傳天下者然則行揖讓高慈惠而道仁厚皆推政也處多事之時用寡事之器非智者之備也當大爭之世而循揖讓之軌非聖人之治也故智者不乘推車聖人不行推政也

韓非子
八說

世易時移變法宜矣譬之若良醫病萬變藥亦萬變病

變而樂不變嚮之壽民今為殤子矣夫不敢議法者衆庶也以死守者有司也因時變法者賢主也是故有天下七十一聖其法皆不同非務相反也時勢異也故曰良劍期乎斷不期乎鏤錙良馬期乎千里不期乎驥騫

呂氏春
秋察今

五帝異道而德覆天下三王殊事而名施後世此皆因時變而制禮樂者譬猶師曠之施瑟柱也所推移上下者無尺寸之度而靡不中音故通於禮樂之情者能作

音有本主於中而以知矩獲之所周者也

淮南子
汜論訓

夏后氏殯於阼階之上殷人殯於兩楹之間周人殯於西階之上此禮之不同者也有虞氏用瓦棺夏后氏塋周殷人用槨周人牆置翬此葬之不同者也夏后氏祭於閭殷人祭於陽周人祭於日出以朝此祭之不同者也堯大章舜九韶禹大夏湯大濩周武象此樂之不同者也

者也

淮南子
汜論訓

禮義者五帝三王之法籍風俗一世之迹也譬若芻狗

土龍之始成文以青黃絹以綺繡纏以朱絲尸祝禘社
大夫端冕以送迎之及其已用之後則壤土草剗而已

夫有孰貴之

淮南子
齊俗訓

夫夏商之衰也不變法而亡三代之起也不相襲而王
故聖人法與時變禮與俗化衣服器械各便其用法度
制令各因其宜故變古未可非而循俗未足多也百川
異源而皆歸於海百家殊業而皆務於治故聖人所由
曰道所為曰事道猶金石一調不更事猶琴瑟每絃改

調今世德益衰民俗益薄欲以樸重之法治既弊之民是猶無鑄銜櫜策鋏而御馭馬也學者循先襲業據籍守舊教以為非此不治是猶持方枘而周員鑿也欲得

宜適致固焉則難矣

淮南子
汜論訓

夫以一世之變欲以耦化應時譬猶冬被葛而夏被裘夫一儀不可以百發一衣不可以出歲儀必應乎高下衣必適乎寒暑是故世異即事變時移則俗易故聖人

論世而立法隨時而舉事

淮南子
齊俗訓

聖人以文交於世而以實從事於宜不結於一迹之塗

淮南子

記論訓

伯余之初作衣也綆麻索縷手經指挂其成猶網羅後
世為之機杼勝複以便其用而民得以拵形御寒古者
剡耜而耕摩廡而耨木鉤而樵抱甌而汲民勞而利薄
後世為之耒耜耨鋤斧柯而樵桔槔而汲民逸而利多

焉

淮南子
記論訓

古之所為不可更則車至今無蟬匿

淮南子
說林訓

五色雖朗有時而渝茂木豐草有時而落物有降殺不得自若故聖人事窮而更為法弊而改制非樂變古易常也將以救敗持衰黜淫濟非以調天地之氣順萬物

之宜也

淮南子
秦族訓

善聲而不知轉未可謂能歌也善言而不知變未可謂能說也持規而非矩執準而非繩通一孔曉一理而不知權衡以所不覩不信人若蟬之不知雪堅據古人以應當世猶辰參之錯膠柱而調瑟固而難合矣

鹽鐵論
相刺

俗非唐虞之時而世非許由之民而欲廢法以治是猶

不用槩枯斧斤欲撓曲直枉也

鹽鐵論
大論

今欲以敦朴之時治抗弊之民是猶遷延而拯溺揖讓

而救火也

鹽鐵論
大論

聖人之與聖也如矩之三雜規之三雜周則又始窮則

反本也

說苑
修文

或問新敝曰新則襲之敝則損益之

揚子問
道篇

聖人之法未嘗不闢盛衰焉昔者堯有天下舉大綱命

舜禹夏殷周屬其子不膠者卓矣唐虞象刑惟明夏后
肉辟三千不膠者卓矣堯親九族協和萬國湯武桓桓
征伐四克由是言之不膠者卓矣禮樂征伐自天子所

出春秋之時齊晉實子不膠者卓矣

揚子先
知篇

一行之禮非隨時禮也一定之法非隨時法也

淮南子
汜論訓

解

夫骨填肉補之藥長於養體益壽而不可以救暍溺之
急也務寬舍垢之政可以蒞敦御朴而不可以拯衰弊

之變也虎狼見逼不揮戈奮劍而彈琴詠詩吾未見其
身可保也燎火及室不奔走灌注而揖讓盤旋吾未見

其焚之自息也

抱朴子外
篇審舉

夫德教者黼黻之祭服也刑罰者捍刃之甲冑也若德
教治狡暴猶以黼黻御剡鋒也以刑罰施平世是以甲

冑升廟堂也

抱朴子外
篇用刑

至醇既澆於三代大樸又散於秦漢道衰於疇昔俗薄
乎當今而欲結繩以整姦欺不言以化狡猾委轡策而

乘奔馬於險塗舍柁櫓而汎舟以凌波盤旋以逐走盜
揖讓以救災火斬梟錯以却七國舞干戈以平赤眉未

見其可也

抱朴子外
篇用刑

欲以太昊之道治偷薄之俗以畫一之歌救鼎湧之亂
非識因革之隨時明損益之變通也所謂刻舟以模遺
劍叅天而射五步擗犀兕之甲以涉不測之淵衿却寒
之裘以禦鬱隆之暑踵之解結頤之搔背其為憤憤莫

此之劇矣

抱朴子外
篇用刑

夫三王不相沿樂五帝不相襲禮而其移風易俗安上
治民一也或革或因損益懷善何必當乘船以登山策
馬以涉川被甲以升廟堂重裘以當隆暑乎若謂古事
終不可變則棺槨不當代新埋衣裳不宜改裸袒矣

抱朴

子外篇
省煩

常制不可以待變化一塗不可以應無方刻船不可以
索遺劔膠柱不可以諧清音故翠蓋不設於晴朗朱輪
不施於涉川味淡則加之以鹽沸溢則增水而減火

抱朴

子外篇

廣譬

丹書鐵券刺牲歛血不能救違約之弊則難以結繩檢
矣五刑九伐赤族之盛不足以止覬覦之姦則不可以

舞干化矣

抱朴子外
篇廣譬

若舟車之代步涉文墨之改結繩諸後作而善於前事
其功業相次千萬者不可復縷舉也

抱朴子外
篇鈞世

三皇五帝之禮義法度期於合時宜應治體而已彼以
為美者此或以為惡故當應時而變然後皆適也然則

禮義當其時而用則西施矣遇時而不棄則醜人矣

郭子

註莊
天運

若握一世之法以傳百世之人由以一衣擬寒暑一藥

治瘞瘕也若載一時之禮以訓無窮之俗是刻舟而求

劍守株而待兔

劉子
法術

療饑不期於鼎食振溺無待於規行是以三王異道而

共昌五霸殊風而並烈

文選王融
策秀才文

聖人之變如水隨形形平則平形險則險

太平御覽人
事部敘聖

撥亂

雲雷屯君子以經綸

屯易

初六幹父之蠱有子考无咎厲終吉象曰幹父之蠱意

承考也

屯易

九五无妄之疾勿藥有喜

无妄易

天地革而四時成湯武革命順乎天而應乎人革之時

大矣哉

革易

利涉大川乘木有功也

渙易

初六用拯馬壯吉

易
渙

若火之燎于原不可嚮邇其猶可撲滅

書
盤
庚上

商罪貫盈天命誅之

書
泰
誓上

若涉淵水予惟往求朕攸濟

書
大
誥

無若火始燄燄厥攸灼叙弗其絕

書
洛
誥

若游大川予往暨汝奭其濟小子

書
君
典

若莠生苗若秕在粟恐被鋤治簸颺

孔氏傳書
仲虺之誥

禍毒在汝身徒奉持所痛而悔之則於身無所及

孔氏
傳書

盤庚

上

稼穡之夫除草養苗我長念天亡殷惡主亦猶是矣我

何敢不順天終竟我壘畝乎

孔氏傳
書大誥

燎之方揚寧或滅之

詩小雅
正月

苞有三蘖莫遂莫達

叶他悅反
詩頌長發

雨雪之盛漚漚然至日將出其氣始見人則皆稱曰雪

今消釋矣喻小人雖多王若欲興善政則天下聞之莫

不曰小人今誅滅矣

鄭氏箋
詩角弓

夏田為苗擇取不孕任者若治苗去不秀實者

鄭氏註周禮夏

官大司馬

今之欲王者猶七年之病求三年之艾也苟為不畜終

身不得苟不志於仁終身憂辱以陷於死亡

孟子離婁上

麋鹿在牧蜚鴻滿野天下享殷乃今有成

史記周本紀

秦失其鹿羣雄競逐狐鳴楚祠龍興沛谷

史記秦楚表贊

馭委其轡馬駘其銜四牡橫奔皇路險傾方將柑勒韉

鞞以救之豈暇鳴和鑾清節奏哉

後漢書崔駰列傳

掃六合之穢，慝清宇宙之埃塵，連光芒於白日，屬炎氣

於景雲

後漢書蔡邕列傳

用能蕩氛霧於昊蒼，耀晨輝於宇宙

晉書簡文帝紀

茨草穢堂階，掃截不得生

晉書樂志下

臨河救溺，不卜命之短長，脉病三年，不豫絕其餐饋

晉書

郭瑀傳

雖洪水滔天，猶欲濟彼俱溺

晉書禿髮烏孤紀

固以興滅繼絕，身航淪溺矣

宋書武帝中本紀

陛下張天造歷駕日登皇聲雷宇宙勢壓河岳而封豕

殘魂未屠劔首長蛇餘喘偷窺外甸

南齊書孔稚圭傳

拯橫流於碣石撲燎火於崑崙

陳書高祖上紀

聖上之養庶物若慈母之養赤子今赤子幾臨危壑將

赴水火以煩勞而不救豈赤子所望於慈母

魏書張普惠傳

回嘗聞之夫子曰治國去之亂國就之醫門多疾願以

所聞思其則庶幾其國有瘳乎

莊子人問世

聖人以治天下為事者也必知亂之所自起焉能治之

不知亂之所自起則不能治譬之如醫之攻人之疾者然必知疾之所自起焉能攻之不知疾之所自起則弗

能攻

墨子兼愛上

夫兩堯不能相王兩桀不能相亡亡王之機必其治亂其強弱相踦者也木之折也必通蠹墻之壞也必通隙然木雖蠹無疾風不折墻雖隙無大雨不壞萬乘之主有能服術行法以為亡徵之君風雨者其兼天下不難

矣

韓非子亡徵

易曰困于石據于蒺藜入于其宮不見其妻凶此言困而不見據賢人者也昔者秦繆公困于殽疾據五穀大夫蹇叔公孫支而小霸晉文困于驪氏疾據咎犯趙衰介子推而遂為君越王勾踐困于會稽疾據范蠡大夫種而霸南國齊桓公困于長勺疾據管仲甯戚隰朋而匡天下此皆困而知疾據賢人者也夫困而不知疾據賢人而不亡者未嘗有之也

韓詩外傳

夫衣小缺襟裂可以補而必待全匹而易之政小缺法

令可以坊而必待雅頌乃治之是猶舍鄰之醫而求俞跗而後

治病廢汙池之水待江海而後救火也

鹽鐵論
申韓

聖人仁士之於天地之間民之父母也今為濡足之故

不救溺人可乎

新序
節七

針頭刺手百病瘳愈抑捫灸死人復起

焦氏易林
萃之節

震風凌雨然後知夏屋之為帡幪也虐政虐世然後知

聖人之為邪郭也

揚子
吾子

次六大虛既邪或直之或翼之得矣夫測曰虛邪夫夫

得賢臣也

太玄經
第一羨

次五拔車山淵宜於大人測曰拔車山淵大位力也

太玄

經第
一碩

上九崇崇高山下有川波其人有輯航可與過其測曰

高山大川不輯航不克也

太玄經
第一碩

次八割其蠹得心疾測曰割其蠹國所便也

太玄經
第六割

次八小子在淵丈人播船測曰丈人播船濟溺世也

太玄

經第
六將

凡療病者必知脉之虛實氣之所結然後為之方故疾可愈而壽可長也為國者必先知民之所苦禍之所起然後為之禁故姦可塞而國可安也

潛夫論
述赦

夫聖賢之治世也有術得其術則功成失其術則事廢譬猶醫之治病也有方篤劇猶治無方免微不愈夫方猶術病猶亂醫猶吏藥猶教也方施而藥行術設而教從教從而亂止藥行而病愈治病之醫未必惠於不為醫者然而治國之吏未必賢於不能治國者偶得其方遭

曉其術也

王充論衡
宋賢篇

殺登歲平庸主因緣以建德政顛沛危殆聖哲優者乃

立功化是故微病恒醫皆巧篤劇扁鵲乃良

王充論衡
恢國篇

令濮上巴人反安樂之正音膝理之疾無退走之滯患

者豈有方乎

抱朴子外
篇審舉

見不善則若鷹鷂之搏烏雀覩亂萌則若薙田之

他計
切

艾蕪歲

抱朴子外
篇用刑

波川之險須輯航而濟之殫

下研
切

難之世須聖人而拔

之也

太玄經第一
一破解

大壯

厲音

仡仡

許訖切

趨

他歷切

欵欵

許勿切

頁

音頤

趾趨

音顛

晉

首同

出傳曰：『厲仡仡健也。趨欵欵動也。頁趾趨倒也。足』

晉出反也。昔王由是行正于內，作威于外，對剛以守之。

決以斷之。昵，余賢良警余戒懼。

元包太陰

困

胡

晦泓

烏宏切

竭聰蒙咽噎

於結切

疒

音疾

懼于憂詠加

于謫傳曰：『胡晦泓竭月之沒，澤之枯也。聰蒙咽噎耳之』

患喉之病也。疒懼于憂，懇愁苦也。詠加于謫，遭讒毀也。

昔王由是省法于內布澤于外進決諫逐諛佞廣乃聰

啟

音杜 乃讜 元包 少陰

言治國及修身者如車奔舟覆故欲救之

揚子法言 註寡見篇

去風雲則天清而水平誅暴亂則君聖而時泰

文選陸士衡演

連珠

註

治定功成邇安遠肅忘茲鹿駭息此狼顧

文選陸陸石闕銘

思樹芳蘭翦除荆棘

文選袁宏 名臣序贊

三秦席卷項籍灰分逋虜霧散遺寇雲徹泛時雨以清

天灑狂塵以肅地

廣文選陸士龍盛德頌

瞻星昧環拱之方託水迷朝宗之義積蠅為衆長蛇稱

長

文苑英華魏收移文

大必包小天地之常規明能通暗日月之常理

文苑英華檄一

隋檄陳尚書文

蜂目已奔狼心遂革

文苑英華庾信職官二十七刺史一神道碑

元帥逞梟鳶之心銳卒畜蜂蠆之毒蠅飛藩棘蟻附池

隍

文苑英華移文移虜淮陽太守文

扇之以仁風馭之以大威霜雪被而洪棘枯網維振而

逆鱗掃

太平御覽皇王部後漢世祖光武皇帝

拯壓傾構引溺危波

初學記居處部宮

一者善知病二者善知病源三者善知病對治四者善

知治病已當來更不動發

雜阿含經卷十五

云何良醫善知病對治謂良醫善知種種病應塗藥應吐應下應灌鼻應熏應取汗如是此種種對治是名良

醫善知對治

雜阿含經卷十五

喻林卷一百四